



# Unimas bantu lahirkan banyak jurutera

KUCHING, Selasa— Universiti Malaysia Sarawak (Unimas) dengan kerjasama Institut Jurutera Malaysia (IEM) akan memperkenalkan satu lagi kursus dalam memastikan ia berjaya melahirkan lebih banyak pakar dalam bidang kejuruteraan.

Naib Canselor Unimas, Datuk Zawawi Ismail ber-

kata, kursus yang merangkumi tiga bahagian itu akan dimulakan semester depan dan berharap ia berjaya melahirkan lebih banyak siswazah yang berkemahiran dalam bidang kejuruteraan.

Katanya, Unimas akan berusaha sedaya upaya untuk memberikan latihan yang terbaik kepada

setiap mahasiswa bidang tersebut, di samping mengadakan pertukaran pelajar di dalam dan luar negara, latihan industri dan banyak lagi.

Sementara itu katanya, dengan wujudnya persefahaman antara Unimas dan IEM, maka ia pastinya akan memberi lebih banyak peluang

kepada pelajar di negara ini berinteraksi dengan jurutera yang lebih berpengalaman.

“Kita perlu mempelajari sistem dan teknik pembelajaran seperti yang dilakukan di Jerman dan seperti yang turut disarankan oleh Perdana Menteri,” katanya semasa berucap di majlis memeterai perjanjian bersama (MoU) antara Unimas dan IEM.

Dalam pada itu Zawawi turut mempelawa institusi lain dalam membangunkan program pendidikan berteknologi di samping dapat melahirkan ahli yang lebih profesional.

Arkib  
NEW  
54.28  
35  
1997

UTUSAN SARAWAK. ( 1997, APRIL 23 )